

All in for Kids

Kev Txhawb Zog Rau Cov Tsev Neeg Hav Children's Long-Term Support Waiver Program (Txoj Kev Pab Txhawb Rau Me Nyuam Mus Ntev)

All in for Kids Bulletin (Tag Nrho Rau Me Nyuam Xov Xwm) yog ib tsab ntawv xov xwm tsim los faj seeb qhia rau koj thiab koj lub tsev neeg txog cov kev pab txhawb thiab kev pab cuam uas muaj los ntawm txoj kev pab CLTS Waiver Program. Tsab ntawv xov xwm yog tshaj tawm los ntawm Wisconsin Department of Health Services (Tuam Tsev Tswj Xyuas Kev Noj Qab Hav Huv).



Muaj qhov chaw qhia kws kho mob tshiab saum huab cua pab cov tsev neeg nrhiav cov chaw kho mob

(New online directory helps families find providers)

Children's Long-Term Support (CLTS) Waiver (Txoj Kev Pab Txhawb Kev Tu Xyuas Rau before "Rau Me Nyuam Mus Ntev) Qhov Chaw Qhia Kws Kho Mob saum huab cua yog ib txoj kev tshiab thiab siv yooj yim rau cov tsev neeg kom nrhiav tau cov kws kho mob thiab cov kev kho mob. Nws muaj cov ncauj lus qhia txog cov chaw kho mob tam sim no thiab yeej muaj ntxiv cov kws kho mob tshiab tas li. Qhov chaw qhia kws kho mob muaj ib txoj kev tshawb nrhiav yooj yim uas kheev cov tsev neeg nrhiav ceev nrooj tau cov ncauj lus txog tus kws kho mob uas lawv xav tau thiab txhua leej txhua tus yeej siv tau, xws li cov tsev neeg, cov neeg koom, thiab cov koom haum waiver hauv cheeb koog.

Qhov chaw qhia kws kho mob saum huab cua yuav pab cov tsev neeg nrhiav tau cov kws kho mob uas muaj cov kev pab ntawm CLTS Waiver xws li:

- Kev pab tu kom dim pa (cov kev so luv luv rau cov tsev neeg)
- Kev zov me nyuam
- Cov kev pab txhawb tswv yim thiab kev kho kaj siab
- Kev kho hloov lub tsev

H

Cov ncauj lus hauv tsab ntawv xov xwm All in for Kids ntawm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.

Kom siv tau qhov chaw qhia kws kho mob saum huab cua, mus rau www.dhs.wisconsin.gov/clts/find-service.htm.

Thaum twg ib lub tsev neeg nrhiav tau ib tug kws kho mob uas lawv xav tau lawm, lawv yuav tsum hu rau tus kws tswj xyuas kev txhawb thiab kev tu xyuas hauv lub cheeb koog. Tus kws tswj xyuas kev txhawb thiab kev tu xyuas yuav pab lawv npaj mus cuag tus kws kho mob cov kev pab tu xyuas.

Cov txuj ci thiab cov kev siv qhov chaw qhia kws kho mob saum huab cua

Qhov chaw qhia kws kho mob saum huab cua ua kom nrhiav tau cov kws kho mob yooj yim. Cov tsev neeg mus nrhiav tau cov kws kho mob raws lub npe, lub cheeb koog, los sis hom kev tu xyuas uas xav tau. Kev nrhiav raws lub cheeb koog thiab hom kev tu xyuas thooj txhij yuav nrhiav tau cov muaj tseeb dua.

Faj Seeb: Kev nrhiav tus kws kho mob hauv ib lub cheeb koog yuav pom muaj cov chaw nyob uas yog nyob rau lwm lub cheeb koog los sis lwm lub xeev. Qhov no yog vim qee cov kws kho mob muaj lub chaw kho mob loj nyob rau hauv ib lub cheeb koog tiam sis muab cov kev tu xyuas nyob rau hauv lwm cov cheeb koog.

Kev nrhiav hauv qhov chaw qhia kws kho mob saum huab cua yuav pab cov tsev neeg nrhiav tau cov kev tu xyuas thiab cov kws kho mob uas lawv xav tau.

Children's Long-Term Support Waiver (Txoj Kev Pab Txhawb Kev Tu Xyuas Rau Me Nyuam Mus Ntev) txoj kev txuas ntxiv kev pab

Lub Wisconsin Department of Health Services (Tuam Tsev Tswj Xyuas Kev Noj Qab Haus Huv) (DHS) tab tom npaj rau txoj kev txuas ntxiv txoj kev pab CLTS Waiver Program. Yuav txuas ntxiv txoj kev pab CLTS Waiver Program tsib xyoo ib zaug twg. Cov tswv yim uas tau los ntawm cov neeg koom thiab cov tsev neeg yuav pab txhawb rau txoj kev yuav muab cov kev pab tu xyuas rau cov me nyuam muaj cov kev tsis taus thiab lawv cov tsev neeg rau zaum CLTS Waiver tom ntej, uas yog yuav pib thaum xyoo 2022 thiab mus txog thawm rau xyoo 2027. DHS tab tom sau ua ke cov ncauj lus tswv yim los ntawm cov neeg koom thiab cov tsev neeg kom tsim muaj lub zeem muag no ua ke. Xav paub ntxiv txog kev txuas ntxiv txoj kev pab CLTS Waiver Program mus rau www.dhs.wisconsin.gov/clts/waiver/renewal.htm.

Cov tsev neeg muab tau ncauj lus tswv yim txog Children's Long-Term Support Waiver Program (Txoj Kev Pab Txhawb Kev Tu Xyuas Rau Me Nyuam Mus Ntev)

DHS xav hnov txog cov tswv yim los ntawm cov neeg koom thiab cov tsev neeg txog kev txhim kho txoj kev pab CLTS Waiver Program rau txoj kev txuas tshiab qhov waiver. DHS txaus siab rau cov ncauj lus tswv yim thiab cov tswv yim uas muaj:

- Cov kev pab kom cov tsev neeg muab cuag tau cov kev pab tu xyuas zoo dua ntxiv
- Kev tsi kom CLTS Waiver pab tau rau tsev neeg
- Cov kev pom zoo txog cov kev pab tu xyuas tshiab los sis cov kev txhim kho tshiab

Cov ncauj lus hauv tsab ntawv xov xwm All in for Kids ntawm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.

Pab tswv yim! DHS yuav txais tos cov tswv yim tshiab uas yuav pab tau cov me nyuam thiab cov tsev neeg tau zoo tshaj plaws. Cov nram no yog peb txoj kev qhia tau cov tswv yim txog cov kev pab txhawb los sis kev tu xyuas tshiab los sis zoo dua.

Sau rau hauv ntawv email

Sau ntawv email qhia cov tswv yim mus rau DHSCLTSWaiverRenewal@dhs.wisconsin.gov ua ntej lub Kaum Hli Ntuj Hnub tim 16, 2020.

Mus koom ib sij hawm pab tawm tswv yim saum huab cua

DHS yuav tsa muaj peb lub sij hawm pab tawm tswv yim saum huab cua kom sau ua ke tau cov kev pom zoo txog cov kev txhim kho rau txoj kev pab CLTS Waiver Program. Cov sij hawm no qhib rau cov neeg koom, lawv cov tsev neeg thiab cov kws pab tswv yim tam sim no thiab cov yav dhau los.

Xav rau npe mus koom ib lub sij hawm pab tawm tswv yim saum huab cua:

- Nias rau qhov chaw txuas nram no kom pom qhov (cov) sij hawm uas koj xav mus koom nrog los sis ntaus qhov www.dhs.wisconsin.gov/clts/waiver/renewal.htm rau ntawm koj kab yos nrhiav:
 - [Hnub Wednesday, Kaum Hli Ntuj Hnub tim 7, 6:30 - 7:15 tsaus ntuj.](#)
 - [Hnub Thursday, Kaum Hli Ntuj Hnub tim 8, 2 - 3:15 tav su.](#)
 - [Hnub Friday, Kaum Hli Ntuj Hnub tim 9, 10:30 - 11:45 sawv ntxov.](#)
- Ntaus koj lub npe thiab qhov chaw sau ntawv email thiab kos rau kem uas qhia tias koj mus txuas tau rau txoj kev pab CLTS lawm. Ces nias “Register (Rau Npe).”
- Yuav muaj ib tsab ntawv email xa tuaj txheeb meej uas muaj qhov chaw txuas mus rau Zoom (rau txoj kev koom saum huab cua) thiab tus xov tooj (rau kev ntaus hu mus koom). Siv txoj kev taug uas ua hauj lwm zoo tshaj rau koj.

Teb rau cov lus tshawb fawb saum huab cua

Cov tsev neeg yuav muab tau ncauj lus tswv yim txog txoj kev pab CLTS Waiver Program los ntawm txoj kev teb rau cov lus tshawb fawb saum huab cua uas tsis teev qhia muaj npe. Txoj kev tshawb fawb no yuav siv sij hawm li 7–10 feeb teb thiaj li tiav. Tsis **txhob** qhia tej ncauj lus uas yuav qhia tau ib tug neeg twg, xws li ib tug neeg hauv lub tsev neeg los sis ib tug me nyuam. Txoj kev tshawb fawb no yog siv los sau ua ke cov lus teb ntawm cov neeg uas tsis teev muaj npe.

Kom teb tau cov lus tshawb fawb, mus rau www.surveygizmo.com/s3/5801521/clts-family-input. Teb kom tiav cov lus tshawb fawb ua ntej lub Kaum Hli Ntuj Hnub tim 16, 2020.

Tus Ciaj Ntsuas Cov Kev Xav (Feelings Thermometer) yuav pab cov tsev neeg tswj cov kev xav hauv siab ntsws

Txhua tus yuav tau muaj cov kev daws txoj kev ntxhov siab, npau taws los sis lwm cov kev xav hauv siab ntsws. Kev pib xyoo kawm ntawv tshiab yeej ntxiv muaj cov kev ntxhov siab rau lub tsev neeg. Tus Ciaj Ntsuas Cov Kev Xav (Feelings Thermometer) yog ib tug ciaj, tsim muaj los ntawm lub Office of Children’s Mental Health (Chaw Khiav Dej Num Tswj Xyuas Me Nyuam Kev Siab Ntsws Noj Qab Haus Huv), uas muab khuam rau qhov chaw uas cov me nyuam thiab cov neeg laus pom

KOJ PUAS PAUB?

Yuav muaj cov neeg piav tes txhais lus thiab cov lus sau tshwm ua ntawv thaum cov sij hawm pab tawm tswv yim saum huab cua thiab cov phab ntawv nthuav qhia yuav sau muaj ua Lus Askiv, Lus Mev thiab Lus Hmoob. Yog tias koj xav tau lwm cov kev pab txhawb thiaj li koom tau, koj thov tau thaum koj mus rau npe koom.

COV NTSIAB LUS TXOG COV CHAW TXUAS

Puas paub lwm tus neeg uas yuav txaus siab koom nrog ib lub sij hawm pab tawm tswv yim? Muab qhov chaw txuas mus rau npe qhia tawm. **Qhov chaw txuas mus rau Zoom uas tau txais hauv tsab ntawv email tsuas yog siv tau rau ib tug neeg koom nkaus xwb.**

Cov ncauj lus hauv tsab ntawv xov xwm All in for Kids ntawm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.

yooj yim kom pab lawv paub txog cov kev xav hauv siab ntsws rau lub sij hawm tam sim ntawd. Nws muaj cov kauj ruam rau lawv taug kom pab hloov tau lawv txoj kev xav hauv siab ntsws thaum twg muaj cov kev nyuab tuaj.

Txoj Kev Siv Tus Ciaj Ntsuas Cov Kev Xav (Feelings Thermometer)

Txoj Kev Siv Tus Ciaj Ntsuas Cov Kev Xav (Feelings Thermometer) yuav pib pom kob xiav (qhov chaw siab nyob tus) thiab mus txog kob liab (qhov chaw npau taws heev). Txoj kev qhia tau ib tug neeg cov kev xav hauv siab ntsws tam sim no, nws yuav qhia tau lawv "qhov kev xav" thaum siab pib sov zus thiab ces kub heev dua tuaj. Tus ciaj ntsuas yuav teev qhia cov kev nqis tes ua tam sis ua kom txoj kev npau taws, kev dhuav siab, kev ntshov siab los sis kev tu siab ntaug. Siv nws:

- Txheeb xyuas ib tug neeg hauv tsev kom paub seb lawv xav li cas.
- Teev tseg tej ncauj lus qhia txog koj cov kev xav hauv siab thiab kev daws tau zoo yog daws li cas.
- Qhia kom nco tias muaj lwm cov kev pab ua kom siab ntsws zoo.

Kev tshawb fawb pom tias txoj kev qhia tau ib yam kev ua kom siab ntaug xwb yeej txo tsawg tau txoj kev ntshov siab lawm. Ras paub txog cov kev xav hauv siab yog thawj kauj ruam!

COV CHAW MUAB KEV PAB

Xav tau cov ncauj lus sau txog Tus Ciaj Ntsuas Cov Kev Xav (Feelings Thermometer) kom luam tawm tau ua Lus Askiv los sis Lus Mev, mus rau www.children.wi.gov/Pages/FeelingsThermometer.aspx. Tus Ciaj Ntsuas Cov Kev Xav (Feelings Thermometer) yog ib tug ciaj yeej pom kiag nws rhais rau daim phab ntsa los sis ntawm lub tub txias rau khoom noj uas yuav pab tau txhua leej txhua tus—txij li cov me nyuam mus txog cov neeg laus—ntsuas seb lawv lub siab ntsws xav li cas thiab muab cov tswv yim qhia hloov lawv txoj kev xav ntawm kev npau taws mus rau kev siab tus.

FEELINGS THERMOMETER



Cov ncauj lus hauv tsab ntawv xov xwm All in for Kids ntawm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.



Children's Long-Term Support Waiver Program Family Bulletin yog tsab ntawv xov xwm yog tshaj tawm los ntawm Wisconsin Department of Health Services (Tuam Tsev Tsw jXyuas Kev Noj Qab Haus Huv) rau cov me nyuam thiab cov tsev neeg nyob hauv txoj kev pab CLTS Waiver Program.

Txoj kev pab CLTS Waiver Program muab Medicaid nyiaj txiag pab txhawb rau cov me nyuam uas muaj cov kev txwv txiav tsis taus loj heev vim yog txoj kev xeeb tsis meej, kev puas ib ce los yog cov kev puas hlwb puas siab ntsws uas nyob rau hauv tsev los yog hauv lub zej zog neeg. Siv tau cov nyiaj txiag mus txhawb ntau hom kev pab cuam raws li txoj kev ntsuas pom ntawm koj tus me nyuam thiab lub tsev neeg cov kev tu ncuu thiab cov hom phiaj los yog kev xav tau uas pom muaj.

Xav paub ntshov, mus xyuas [Services for Children With Delays or Disabilities \(Cov Kev Pab Cuam rau Me Nyuam Muaj Cov Kev Cob Pob los yog Kev Tsis Taus\)](#) qhov vas sab. Xav tau kev pab txhais tsab ntawv xov xwm no, hu rau Bureau of Children's Services (Koom Haum Pab Cuam Rau Me Nyuam) ntawm 608-266-8650.